

Incumbensa da la fracziun da la PS concernent il scumond da cultivar organissems modifitgads geneticamain en il chantun Grischun

En Svizra è l'utilisaziun d'organissems modifitgads geneticamain en l'agricultura scumandada fin la fin da l'onn 2017. Oz n'èsi betg cler, sche la confederaziun prolunghescha anc ina giada quest scumond. Grazia al moratori genetic e grazia a puras ed a purs critics èn nossas mangiativas oz en Svizra senza tecnologia genetica.

Gia ils chantuns svizzers Tessin e Friburg èn s'exprimids per in scumond d'utilisar organissems modifitgads geneticamain sin lur territori chantunal.

Per quest motiv dumondan las sutsegnadras ed ils sutsegnaders da fixar in scumond d'utilisar plantas modifitgadas geneticamain en il chantun Grischun sin il stgalim da la lescha. Il scumond d'utilisar plantas modifitgadas geneticamain duai vegnir fixà en la lescha d'agricultura.

Differents arguments pledan per in tal scumond:

- Passa la mesadad da las puras e dals purs grischuns produceschan oz cun il standard biologic (Brumbel). Er las puras ed ils purs che fan diever da la produenziun integrada (PI) prendan en mira in'agricultura uschè natirala sco pussaivel.
- Las ristgas da l'utilisaziun da semenza modifitgada geneticamain na pon betg vegnir stimadas fin oz, e quai malgrà l'utilisaziun globala sur grondas surfatschas.
- La coesistenza da culturas tradiziunalas e da plantas modifitgadas geneticamain è ina proposta betg pratica che chaschuna gronds custs e che n'è betg realistica.
- La maioritad da las consumentas e dals consuments na vul betg products modifitgads geneticamain sin las curunas.
- Per l'agricultura svizra ed en spezial per l'agricultura grischuna è la produenziun senza tecnologia genetica in tratg caracteristic central da marketing e da vendita, quai er en vista al martgà internaziunal.

Cuira, ils 20 d'avrigl 2015

Deplazes, Jaag, Atanes, Baselgia-Brunner, Bucher-Brini, Cahenzli-Philipp, Caviezel (Cuira), Gartmann-Albin, Locher Benguerel, Monigatti, Noi-Togni, Perl, Pult, Thöny, Rutishauser, Vassella